



ՆԵՐՔԻՆ ԹԵՄԵՐԻ ՏԱՐԵԿԱՆ ԽՈՐՀՐԴԱԿՑԱԿԱՆ ԺՈՂՈՎ ՄԱՅՐ ԱԹՈՌՈՒՄ

Մարտի 7-ին՝ երեքշաբթի օրը, Մայր Աթոռում հրավիրվել էր ներքին թեմերի առաջնորդների, թեմական ու եկեղեցական խորհուրդների տարեկան ժողով՝ տնտեսական ընթացիկ տարվա առիթով:

Վեհափառ Հայրապետի բարձր նախագահության ներքո գումարված խորհրդակցական ժողովը տեղեց մարտի 7-ից 10-ը, և որին մասնակցում էին՝

1. Մայր Աթոռից. Մայր Աթոռի միաբնույթունը, Գերագույն հոգևոր խորհրդի և Վերստուգիչ հանձնաժողովի անդամները, մայրավանքի գլխավոր բաժինների պատասխանատու ղեկավարները, այդ թվում՝ հոգևոր ճեմարանի տեսուչը, «էջմիածին» ամսագրի խմբագիրը, դիվանապետը, գլխավոր ճարտարապետը, ֆինանսական և տնտեսական բաժինների վարիչները:

2. Առաւտոյան թեմից. առաջնորդական փոխանորդ տ. Վահան եպիսկոպոսը, թեմական խորհրդի անդամները, իրավաբան Ս. Արևշատյանը, Պ. Պողոսյանը, Վ. Վարդանյանը և Գեղարդի վանքի վանահայր տ. Վաղարշակ քահ. Բղումյանը:

3. Շիրակի թեմից. թեմակալ առաջնորդ տ. Մաշտոց եպիսկոպոսը, թեմականներ՝ Հովհ. Փելթեկյանը և Հ. Ալեքսանյանը:

4. Վրահայոց թեմից. թեմակալ առաջնորդ տ. Կոմիտաս եպիսկոպոսը, թեմական խորհրդի անդամներ՝ գրող Ս. Ավչյանը, Ս.

Իսախանյանը և Գ. Դուրգարյանը:

5. Ադրբեջանի հայոց թեմից. թեմակալ առաջնորդ տ. Հուսիկ եպիսկոպոսը, թեմական Հ. Աթաջանյանը և տ. Գրիգոր քահ. Անանյանը:


6. Ռուսաստանի և հյուսիսային Քովկասի հայոց թեմից. թեմակալ առաջնորդ տ. Պարզե եպիսկոպոսը, թեմականներ՝ Զ. Ասատուրովը, Գ. Գևորգյանը (Մոսկվա) և Ս. Մելքոնյանը (Օրջոնիկիձե):

Մարտի 7-ին՝ երեքշաբթի օրը, առավոտյան ժամը 11-ին, Վեհափառ Հայրապետը վեհարանում բարեհաճեց ընդունել, ըստ թեմերի, առաջնորդներին և թեմականներին՝ ղրուցելու համար ներքին թեմերի հոգևոր-եկեղեցական, վարչական, տնտեսական և այլ հարցերի շուրջ:

Առավոտյան ժամը 11.30-ին տեղի ունեցավ թեմերի 1966 թվականի բյուջեի կատարողականի և 1967 թվականի նախահաշիվների ներկայացումը:

Երեկոյան ժամը 7.30-ին բոլոր սյատգամավորները ներկա եղան Երևանում, համերգային դահլիճում, հայկական երգի և պարի անսամբլի համերգին:

Մարտի 8-ին՝ չորեքշաբթի օրը, առավոտյան ժամը 8-ին, Մայր տաճարում, Վեհափառ Հայրապետի նախագահությամբ, պաշտվեց «արևագալ»-ի հանդիսավոր ժամերգությունը, որին ներկա էին Մայր Աթո-



Վեմախառ Հայրապետը շրջապատված Մայր Աթոռի միաբանությամբ, թեմակալ առաջնորդներով և պատգամավորներով:

ոի ողջ միաբանությունը, բոլոր թեմակալ առաջնորդներն ու պատգամավորները:

«Արևազալ»-ի զմայլելի երգերը ապրումով կատարեցին հոգևոր ճեմարանի սաները:

Արարողության ավարտին Ռուսաստանի և հյուսիսային Կովկասի հայոց թեմի առաջնորդ տ. Պարգև եպիսկոպոսը բարոզեց «Բարուր է մեզ աստ լինել» բնաբանով ծանրանալով Մայր Աթոռ ս. Էջմիածնի հավատքի, հայրենասիրության և ազգապահպանման օջախ լինելու սրբազան առաքելության վրա: Քարոզի վերջում սրբազանը, հանուն Վեհափառ Հայրապետի, ողջունեց Մայր Աթոռ ժամանած պատգամավորներին և ժողովի մասնակիցներին:

Ժամը 11-ին, վեհարանում, Վեհափառ Հայրապետի բարձր նախագահության ներքո, գումարվեց ներքին թեմերի խորհրդակցական ժողովը:

Ժողովը բացվեց Հայոց Հայրապետի աղոթքով: Ն. Ս. Օծուխյունը ապա ջերմորեն ողջունելով եկեղեցական և աշխարհական պատգամավորների ներկայությունը՝ հաջողություն մաղթեց ժողովի աշխատանքներին, շնչելով նման խորհրդակցության կարևորությունն ու անհրաժեշտությունը, ներքին թեմերի եկեղեցական, վարչական աշխատանքների բարելավման տեսակետից:

Թեմակալ բոլոր առաջնորդները խոսք առնելով ողջունեցին խորհրդակցական ժողովը հրավիրումն ու բացումը:

Ապա Մայր Աթոռի ֆինանսական բաժնի վարիչ և գլխավոր հաշվապահ Գառնիկ Քեչյալանը ժողովին ներկայացրեց, ըստ թեմերի և գլուխ առ գլուխ, 1966 թվականի Մայր Աթոռի և ներքին թեմերի բյուջեների կատարողականը և 1967 թվականի նոր բյուջեների նախահաշիվները:

Կատարողականի և նոր բյուջեի նախահաշիվների շուրջ կատարվեց մտքերի փոխանակություն, որին մասնակցեցին առաջնորդներն ու պատգամավորները:

Յուրաքանչյուր թեմի կատարողականի բնարկումից հետո Վեհափառ Հայրապետը ամփոփեց արդյունքները՝ հայտնելով իր գունդանակությունը թեմերում կատարված եկեղեցական, տնտեսական, կազմակերպչական աշխատանքների բարի արդյունքների և կանոնավորության մասին, անելով նաև մի շարք կարևոր թեկադրություններ տնտեսական նոր տարվա առիթով:

Ժամը 15-ին, վանական սեղանատանը, բոլոր պատգամավորները հյուրասիրվեցին ավանդական հերիսայով և թանապուրով:

Մարտի 9-ին՝ հինգշաբթի օրը, առավոտ-

յան ժամը 12-ին, ժողովն ավարտեց իր աշխատանքները:

Ժամը 12-ին Վեհափառ Հայրապետը հանդես եկավ 1965—1966 թվականի Մայր Աթոռի եկեղեցական, հոգևոր, մշակութային, շինարարական և տնտեսական կյանքի վերաբերյալ համառոտ ղեկուցումով, որը լավեց երախտագիտությանը և շնորհակալությանը: Ն. Ս. Օծուխյունը իր ղեկուցման մեջ կանգ առավ նաև 1967 թվականի Մայր Աթոռի գործունեության ընդհանուր գծերի վրա՝ ըստ բնագավառների: Հայոց Հայրապետը իր ղեկուցագիրը ավարտեց լավատեսությամբ՝ խոսելով նաև հայ եկեղեցու վերաբերյալ մի շարք ընդհանուր հարցերի վրա, որոնք սերտորեն կապված են Մայր Աթոռի առաքելության, ղեկավար դերի և հայ եկեղեցու միության էլ՝ ավելի կազմակերպման աշխատանքների հետ:

Մայր Աթոռում գումարված ներքին թեմերի խորհրդակցական ժողովը իր աշխատանքներն ավարտեց խմբովին երգված Տերունական աղոթքով և Հայոց Հայրապետի «Պահպանիչ»-ով:

Ժամը 16-ին, վեհարանում, Ն. Ս. Օծուխյունը բարեհաճել էր իրեն սեղանակից դարձնել Մայր Աթոռի միաբանությանը, թեմակալ առաջնորդներին ու պատգամավորներին՝ շուրջ 40 հոգու: Սեղանների շուրջ ստեղծվեց վանական, ջերմ մթնոլորտ: Բաժակներ առաջարկվեցին Մայր Աթոռ ս. Էջմիածնի անսասանության, պայծառության և Հայոց Հայրապետի կենաց: Ողջունի ջերմ խոսքեր ասացին տ. Հայկազուն, տ. Կոմիտաս, տ. Վահան սրբազանները, տ. Ներսես Ժ. վարդապետը, պատգամավորներ Զ. Ասատուրովը, տ. Գրիգոր քահ. Անանյանը և «Էջմիածին» ամսագրի խմբագիրը:

Հնդուկությունը վերջացավ խմբովին երգված «Էջմիածինն ի հօրէ» շարականով ու Վեհափառ Հայրապետի «Պահպանիչ»-ով:

Երեկոյան ժամը 7.30-ին բոլոր պատգամավորները Երևանում, Գ. Սունդուկյանի անվան Աշխատանքային կարմիր դրոշի շքանշանակիր պետական ակադեմիական թատրոնում դիտեցին «Վիտոշի փեշերին» ներկայացումը:

Մարտի 10-ին՝ ուրբաթ օրը, առավոտյան ժամը 10-ին, պատգամավորները ուխտի գնացին Օշականի ս. Մեսրոպ Մաշտոցի դամբարանը:

Ժամը 16-ին հոգևոր ճեմարանում կազմակերպվել էր գրական-գեղարվեստական երեկույթ՝ ի պատիվ պատգամավորների:

Որոշյալ պահին ժամանում է Վեհափառ Հայրապետը՝ շրջապատված թեմակալ առաջնորդներով ու պատգամավորներով, և

նդունվում ուսանողական ջերմ ու սրտազին ապիներով:

Հանդիսության բացումը կատարում է տեղացի տ. Ներսես Ժ. վրդ. Պողոսյանը, որը հանդիսությունը հետո ճեմարանի հարկի տակ Վեհափառ Հայրապետի, թեմակալ առաջնորդների և բոլոր պատգամավորների ներկայությամբ, խոսում է հոգևոր ճեմարանի հարկի, ներկա կյանքի և ապագա գործունեության ու ծրագրերի մասին, շնորհակալություններ օժանդակությունն ու աշխատանքը ճեմարանի համար խոստումնալից, հավատարմորդ ու բարեհույս ուսանողներ ընտրելու և հանձնարարելու գործում:

Ապա գործադրության է դրվում ուսանողության ուժերով կազմակերպված գեղարվեստական ծրագիրը, որը բաղկացած էր խմբերգերից, արտասանություններից, նվագից ու ուղերձից: Բ դասարանի ուսանող Ս. Սողադարյանը արտասանում է Հովհ. Հովհաննիսյանի «Էջմիածին»-ը, Ա լսարանի ուսանող Հովհ. Գրվրգյանը՝ Համո Սահյանի «Երգ Հայաստանի»-ն, Ա դասարանի ուսանող Տրդատ Շամլյանը՝ Նղիշ արքեպ. Գուրգյանի «Օղական»-ը, և մի խումբ ուսանողներ կատարում են խմբական մի արտասանություն՝ «Զրույց վանականի և հրաշքի մասին»: Ընթացքի երգչախումբը, երաժշտությունը դասատու Հ. Անասյանի ղեկավարությամբ, կատարում է «Գութանի երգ», «Գարուն ա» «Ա՛խ, մարալ ջան», «Բամ Արարատ» և «Ընթացքի բալլեր»

խմբերգերը, ինչպես նաև ուսանողական և ուղերձական ժողովրդական երգեր: Ա լսարանի ուսանող Ա. Գալստյանը դաշնամուրի վրա նվագում է Ա. Տիգրանյանի «Հեյդարի»-ն, իսկ Գ դասարանի Վարդան Տյուրկյանը՝ «Օրորոցային»-ը: Բ լսարանի ուսանող Ա. Մարտիրոսյանը ընթացքում է հանուն ճեմարանի «Բարի գալուստ» մի ուղերձ:

Ընթացքի գրական-գեղարվեստական երկույթը խոր տպավորություն է թողնում բոլորի վրա: Հանդիսությունը փակում է Վեհափառ Հայրապետը՝ գոհունակության ու շնորհակալության ջերմ խոսք ասելով հոգևոր ճեմարանի տեսչությանը և ուսանողությանը՝ հանդեսի պատճառած հոգեկան գեղարվեստական հաճույքի համար:

Ժամը 18-ին, Մայր տաճարում, Վեհափառ Հայրապետի նախագահությամբ, տեղի ունեցավ հսկումի հանդիսավոր արարողություն, որին ներկա եղան բոլոր եկեղեցական և աշխարհական պատգամավորները: Արարողության ավարտին վրահայոց թեմի առաջնորդ տ. Կոմիտաս եպիսկոպոսը քարոզեց «Ոչ եկի պաշտօն առնուլ, այլ պաշտել» բնարանով:

Մարտի 11-ին՝ շաբաթ օրը, թեմակալ առաջնորդներն ու պատգամավորները, հրաժեշտ առնելով Մայր Աթոռից և Վեհափառ Հայրապետից, վերադառնում են իրենց թեմերը նոր եռանդով և խորը պատասխանատվությամբ շարունակելու իրենց թեմական աշխատանքները:

